

IMPRESSUM

Editura:
SRG SSR idée suisse
Communicaziun d'interpresa
Giacomettistrasse 3
3000 Berna 15
Tel. 031 350 92 31
info@srgssrideesuisse.ch

Texte:
Barbara Balmer Stutz
Isabelle Binggeli
Alberto Chollet
Rolf Grolimund
Emilia Pennella
Marc Savary
Edzard Schade
Daniel Schneider

Redacziun:
Katrin Hemmer

Translaziun:
Ladina Parli

Concepziun e grafica:
www.lms-media.ch

Stampa:
www.sondereggerdruck.ch

Ediziun:
tudestg: 8000
franzos: 4000
talian: 2500

Data da publicaziun:
7 avust 2006

Las novitads (newsletter) da la SRG SSR idée suisse cumparan er electronicamain en tuts quatter linguatgs naziunals. La versiun electronica pon ins empustar sin la pagina www.srgssrideesuisse.ch ubain sur il servetsch da mail (publicaziuns novas), ins po era chargiar ellas da la rubrica documents sco pdf sin l'agen computer.

Editoriale ▶

Ina survista da la branscha da film e televisiun ▶

Als festivals da film svizzers ils pli gronds a Locarno, Soloturn, Nyon, Genevra e Winterthur è la SRG SSR idée suisse preschenta: sco correspondentia, moderatura e partenaria da medias.

La SRG SSR ed il festival da film da Locarno ▶

La SRG SSR idée suisse ed il festival da films internaziunal da Locarno collavuran stretgmain.

Ils festivals da musica: accents entaifer il program da radio ▶

Ils radios da la SRG SSR idée suisse èn partenaris impurtants dals festivals da musica ils pli differents en l'entira Svizra.

Label Suisse: ina festa da la musica svizra ▶

«Label Suisse» sa numna il festival da musica che Radio Suisse Romande (RSR) vegn proximamain ad organisar per la segunda giada.

Film (inter)naziunal sur dad Henry Dunant ▶

Entaifer il Pacte de l'audiovisuel è naschè tranter auter il film «Henry Dunant – Rot auf dem Kreuz». I sa tracta d'in film da televisiun che mussa la vita dad Henry Dunant e la fundaziun da la crusch cotschna.

Da la cultura da radio al radio cultural ▶

La relaziun da la SRG SSR idée suisse cun la cultura è sa midada fitg en il decurs da sia istorgia da 75 onns. Quai sa mussa surtut tar il radio.

In film sur da Yehudi Menuhin ▶

Cultura, in bain inappreziabel

En il temp actual influenzà da temp liber e consum daventan products culturals pli e pli ina fatschenta lucrativa. La musica, il film, ovras graficas u litteraras èn ensemen cun ils systems da distribuziun digitals il sectur economic che crescha il pli ferm ed er l'appetit dals investurs crescha pli e pli. Attratgs d'uschenumnads blockbusters americans cuntanschan ils custs da produzioni autezzas enormas che vegnan dentant anc surpassadas dals preventivs per in marketing mundial agressiv. Grazia als systems da distribuziun digitals sa furma ina fiera globala da cultura.

Mantegnair la varietad culturala indispensabla per l'equiliber ed il svilup da nossas societads è perquai ina gronda sfida. La Svizra cun sias pitschnas fieras linguistic-regiunals e cun la concorrenza da l'exteriur che discurra il medem linguatg enconuscha quel problem. Perquai han collavurà las autoritads svizras activamain cun elavurar la nova convenziun da l'Unesco per protegger la varietad culturala. Quella convenziun dat cuntrapais als sforzs da liberalisar dal tuttatg il barat da products culturals. Ella prevezza en emprima lingua ch'ils stadis possian prender vinavant

mesiras per mantegnair e promover ovras che caracteriseschan lur cultura. La convenziun renviescha en pli expressamain a la rolla impurtanta dals organisaturs da radio publics.

La SRG SSR idée suisse ha l'incumbensa da dar a ses public access a la cultura, da promover la creaziun da cultura e da mantegnair ella. Il Pacte de l'audiovisuel è in mussament ch'ella prenda serius quella incumbensa: al festival da film da Locarno da quest onn resultan 29 da 170 films che vegnan mussads d'ina collavuraziun activa cun la SRG SSR. Cun quel engaschament vuessan nus cuntinuar ed anc l'amplifitgar. Tar quai stuain nus tegnair quint da la reducziun immanenta da noss meds finansials, ma era da las pussaivladads empermettentas ch'il svilup en il sectur multimedial porchia per promover las ovras ed ils arranschaments culturals.



Photo: Sabine Papilloud

Jean-Bernard Münch

Jean-Bernard Münch
 President da la
 SRG SSR idée suisse

Ina survista da la branscha da film e televisiun

Als festivals da film svizzers ils pli gronds a Locarno, Soturn, Nyon, Geneva e Winterthur è la SRG SSR idée suisse preschenta: sco correspondentia, moderatura e partenaria da medias. Prestaziuns extraordinarias da ci-

neasts svizzers premiescha ella. Ils festivals da film èn lieus da scuntrada da cineasts, interessents da cultura e collavuratur da la branscha da film e televisiun.

En ses programs da radio e televisiun renda la SRG SSR accessibla la cultura ad in vast public. Ella nizzegia dentant er auters chanals per intermediar cultura. Fitg effectiva è la collavuraziun culs festivals da film, là sa mussa numadamain la colliaziun tranter film e televisiun. Ils festivals en Svizra han sviluppa in pau a la giada accents specifics: «Visions du reel» a Nyon sa de- ditgescha al film documentar en tut

sias furmas, ils dis da film da Soturn dattan ina survista da l'entira cinematografia svizra. Il festival da Geneva «Tout Ecran» abolescha las barrieras tranter il monitur da televisiun e la tenda da kino, ils dis da films curts da Winterthur èn spezialisads sin films curts e creativs. Tar tut quels festivals s'engascha la SRG SSR sco correspundenta, moderatura e partenaria da medias. En pli sustegna ella il premi da

La SRG SSR è la promotura da films la segund gronda

2005 han prolongà las federaziuns da film svizras e la SRG SSR il Pacte de l'audiovisuel per trais onns. Il Pacte promova la cinematografia svizra e pussibilitescha ina collavuraziun tranter la branscha da films svizra e la SRG SSR. El exista dapi 1996. Cun contri-

buir bel e bain 19 miu. francs l'onn sustegna la SRG SSR produziuns da kino e televisiun independetas. La promoziun da film svizra sa basa sin trais pitgas: la confederaziun (23.4 miu. fr. l'onn), la SRG SSR (19.3 miu.) ed ils chantuns.

| | 1996–1999 | 2000–2002 | 2003–2005 | 2006–2008 |
|--------------------------|-----------|-----------|-----------|-----------|
| Produziuns da kino | 18.0 | 16.5 | 18.0 | 23.4 |
| Films d'animaziun | – | – | 0.9 | 0.9 |
| Produziuns da televisiun | 10.0 | 22.2 | 22.2 | 23.7 |
| «Succès passage antenne» | 5.2 | 7.8 | 9.3 | 9.9 |
| «Succès Cinéma» | 4.0 | 3.0 | – | – |
| Total | 37.2 | 49.5 | 50.4 | 57.9 |

Contribuziuns da la SRG SSR entaifer il Pacte de l'audiovisuel en miu. fr.

films svizzer che vegn surdà mintgamaì als dis da film da Soluturn.

Barat tranter interessents da cultura

Mintga festival pussibilitescha in contact direct tranter l'ovra ed il public, tranter l'autura e l'aspectatur. Entant che l'autur vegn examinà survegn l'aspectatura la pussaivladad d'in stgomi cun il reschissur, cun auters aspectaturs e cun las medias. En quel regard na pon ins betg remplazzar in festival. Cun ses programs procura la SRG SSR per ina derasaziun optimala dals festivals. Las decisiuns redacziunalas e l'organisaziun dal program dals festivals n'influenzescha ella betg. Ella sustegna dentant arranschaments d'approfondaziun ed a l'ur dal festival sco discurs, scuntradas e discussiuns.

La SRG SSR ed il festival da film da Locarno

La SRG SSR idée suisse ed il festival da films internaziunal da Locarno collavuran stretgmain. Sco coproducenta da films documentars e dramatics svizzers contribuescha ella considerablmain a la varietad da la pur-

schida da quel forum da film internaziunal. Sco partenaria da medias sustegna ella il festival finanziailmain, cun tecnica e knowhow. Radiotelevisione di lingua italiana è il Host Broadcaster.

Il festival da films internaziunal da Locarno è il festival il pli grond da la Svizra ed ina part impurtanta da sia agenda culturala. Per la 59avla giada vegn mussada dals 2 als 12 d'avust 2006 a Locarno ina quantad impressiuanta d'ovras: var 170 films, tranter quels era produziuns pli grondas e pli pitschnas da regiuns lontan. Betg be pajais europeics, mabain er il Libanon, l'India, l'Iran, il Giapun, il Canada ed ils stadis unids da l'America fan part da questa preschentaziun internaziunala da films. La Svizra e surtut la SRG SSR contribueschan considerablmain: 29 dals 170 films che vegnan mussads èn coproduziuns da la SRG SSR naschidas en-

taifer il Pacte de l'audiovisuel. En tut las secziuns impurtantas èn represchentads films dramatics u documentars ch'èn vegnids producids ensemen cun la SRG SSR resp. da la televisiun svizra (SF), Télévision Suisse Romande (TSR) e Televisione Svizzera di lingua italiana (TSI). Quai vul dir: films ch'èn naschids en stretga collavuraziun cun auturs da scenari, producents, reschissurs, acturas e technichers da l'entira branscha da film e televisiun svizra.

Ina coproduziun extraordinaria che la SRG SSR mussa ils 7 d'avust ad in public illuster è il film «Die Schweiz – eine Idee». I sa tracta d'in project da film interregional da SF, TSR, TSI e Televisione Rumantscha per il giubileum da 75 onns SRG SSR idée suisse. En il film da Daniel Hitzig s'expriman responsabels da la SRG SSR e Svizzers prominents da l'entir pajais tar la dumonda sche e co ch'i gartegia a la SRG SSR da render giustia a las quatter culturas da la Svizra. Dapli dal festival da films internaziunal chattais vus sut www.pardo.ch.

Premis per coproduziuns da la SRG SSR

2006 han survegnì pliras coproduziuns da la SRG SSR il premi da films svizzer. Il meglier film dramatic è stà il film «Mein Name ist Eugen» ch'è vegnì coproducì da la televisiun svizra (SF). En la categoria dal meglier film documentar è vegnì undrà il film «Exit. Le droit de mourir». Coproducenta è stada la SRG SSR era tar films ch'èn vegnids premiads per las meglieras prestaziuns cumediantas («Snow White» dad SF e «Fragile» da TSR). Il film documentar «Exit» ha survegnì ultra da quai il «Prix Golden Link» che vegn dà da la European Broadcasting Union per la megliera coproduziun europea.

| Film documentar, Film dramatic, film curt | coproducziun |
|---|--------------|
| Die Schweiz – eine Idee | SRG SSR |
| Grounding – Die letzten Tage der Swissair | SF |
| Das Fräulein | SF |
| Die Herbstzeitlosen | SF |
| Aschenbrüder | SF |
| Babami Hirsizlar caldi (le père volé) | SF |
| Hotel Belgrad | SF |
| Hardcore Chambermusic | SF |
| Jeune Homme | SF |
| Lenz | SF |
| Nachbeben | SF |
| Vitus | SF |
| Zum Abschied Mozart | SF |
| EXIT, le droit de mourir | TSR |
| Fragile | TSR |
| La liste de Carla | TSR |
| Mon frère se marie | TSR |
| Jeu (film curt) | TSR |
| Rachel (film curt) | TSR |
| La vrai vie est ailleurs | TSR |
| Que viva Mauricio Demierre | TSR |
| La Traductrice | TSR |
| Federer et moi | TSR |
| Taxi Service | TSR |
| Das kurze Leben des José Antonio Guttierrez | TSR |
| La petite Dame du Capitole | TSR |
| Quale amore | TSI |
| Feltrinelli | TSI |
| Jolido | TSI |

20 coproducziuns da la SRG SSR al festival da films da Locarno 2006

Ils festivals da musica: accents entaifer il program da radio

Ils radios da la SRG SSR idée suisse èn partenaris impurtants dals festivals da musica ils pli differents en l'entira Svizra. Grazia a las transmissiuns da concerts, intervistas e reportaschas dal radio svizzer DRS, Radio Suisse

Romande, Radio Svizzera di lingua italiana e Radio Rumantsch è la creaziun musicala svizra accessibla ad in vast public sper ils visitaders dals festivals.

Dapi bler onns enritgeschan ils programs da musica l'offerta da radio da la SRG SSR – surtut da stad. Menziunar ston ins ils festivals da jazz a Berna, Schaffusa, Willisau, Lugano e Montreux, festivals da musica classica a Tavau, Friburg, Bellinzona, Ernen e Gstaad, festivals d'open air a Son Gagl, Hoch-Ybrig, en Val Lumnezia e sin il Gurten, festivals da musica instrumentala a Lucerna ed Interlaken. Ils nums dals festivals èn internaziunals sco «Lucerne Festival», «Montreux Jazz Festival» e «worldband festival luzern», misterius sco «Moon and Stars», «Paléo Festival Nyon» ed «Alpentöne» – u era pragmatics sco «Settimane Musicale di Ascona» e festa da musica federala. Tar tut quels festivals èn preschents ils radios da la SRG SSR sco partenaris da medias, coproducents, correspondentis u producents da musica cun dretgs da transmitter concerts.

Ils radios gidan a far enconuschent ils festivals

Ils radios da la SRG SSR pon metter accents singulars en lur programs, cun

quai ch'els èn partenaris dals festivals. Las redacturas ed ils moderaturs èn preschents cun ils autos da transmissiun. Là han els la pussaivladad bainvegnida da vegnir en contact directamain cun ils creaturs da cultura e cun il public interessà. Schurnalistas da radio fan intervistas cun artists, moderaturs organischeschan terminis da «meet and greet» cun la prominenz artistica, uschè che las transmissiuns daventan eveniments al radio. Ils auditurs che taidlan gugent musica chattan ina gronda offerta en ils programs dal radio svizzer DRS, Radio Suisse Romande, Radio Svizzera di lingua italiana e Radio Rumantsch. Las musicras ed ils musicchers survegnan grazia als radios da la SRG SSR ina basa solida per preschentar a sai e lur abilitads ad in vast public. Per ils organisaturs dals festivals è la collavuraziun cun ils radios da la SRG SSR impurtanta, ella gida numnadamain a far enconuschent ils festivals en tut las quatter regiuns linguisticas.



Charta per promover la musica svizra al radio

Sumegliant sco tar il film cun il Pacte de l'audiovisuel ha francà la SRG SSR l'onn 2004 sia collavuraziun cun federaziuns da musica svizas: cun la «charta da la musica svizra» per promover la reputaziun e l'enconuschientscha da la musica svizra. La SRG SSR s'oblighescha d'emetter en ses programs da radio ina tscherta quantitat da musica svizra. Quella vegn fixada cun valurs directivas che vegnan eruidas da la SRG SSR e da las federaziuns da musica. Gia avant che suttascriber la charta da musica aveva la SRG SSR cuntanschi u surpassà las valurs directivas en la gronda part da ses programs da musica.

| | Part da musica svizra en % | | | valurs directivas da la charta da musica |
|---------------------|----------------------------|------|------|--|
| | 2003 | 2004 | 2005 | 2006 |
| DRS 1 | 23.6 | 21.4 | 21.2 | 20 |
| DRS 2 | 21.5 | 14.5 | 17.9 | 18 |
| DRS 3 | 8.8 | 11.3 | 13.0 | 14 |
| DRS Musigwälle | 36.9 | 35.0 | 34.1 | 30 |
| Virus | 20.2 | 14.2 | 12.9 | 14 |
| La Première | 9.3 | 10.5 | 11.0 | 9 |
| Espace 2 | 12.5 | 20.7 | 25.6 | 20 |
| Couleur 3 | 9.3 | 10.0 | 21.3 | 14 |
| Option Musique | 8.0 | 8.6 | 9.3 | 9 |
| Rete Uno | 5.0 | 5.0 | 6.1 | 7 |
| Rete Due | 12.4 | 19.0 | 11.0 | 15 |
| Rete Tre | 3.5 | 6.2 | 6.6 | 7 |
| Radio Rumantsch | -- | 24.0 | 24.0 | 22 |
| Radio Swiss Classic | 21.0 | 21.0 | 21.2 | 25 |
| Radio Swiss Jazz | 24.2 | 25.5 | 26.8 | 25 |
| Radio Swiss Pop | 15.6 | 20.0 | 21.3 | 25 |

Part da musica svizra en ils programs da radio da la SRG SSR

Label Suisse: ina festa da la musica svizra

«Label Suisse» sa numna il festival da musica che Radio Suisse Romande (RSR) vegn proximamain ad organisar per la segunda giada. Tranter ils 29 da settember ed il 1. d'october datti en quatter lieus var 100 concerts

Il festival da trais dis «Label Suisse» vegn fatg en quatter lieus: en trais studios da radio da RSR e l'implant d'elavuraziun Tridel a Losanna – in implant ultramodern per zavar e reciclar rumment. En quel lieu insolit vegnan a mussar ils megliers DJs da la Svizra, tge ch'els san. Al festival da musica «Label Suisse» sa preschentan 550 musicras, chantauturs e dirigentas. Var 100 concerts da musica classica, musica populara, chansons e jazz, dentant er da stils moderns vegnan dads. La gronda varietad pon ins giudair al lieu u tadlar en emissiuns spezialas da La Première, Espace 2, Couleur 3 ed Option Musique.

Label Suisse mussa ils differents stils da musica ch'ins auda en ils quatter programs da RSR. I na sa preschentan dentant betg be bands e musicchers da la Suisse Romande: quest on vegnan ad esser là er las ulteriuras regiuns da la Svizra. Da la Svizra tudestga èn The Delilahs, Lunik, William White e Michael von der Heide da la partida. Da la Svizra rumantscha riva la gruppa da hip-hop Liricas Analas. E dal Tessin vegn la gruppa Sisma a sunar ses electrorock.

ch'èn gratuits per la publicitad e vegnan transmessa dals quatter emetturs da RSR. Ins spetga passa 15 000 giasts al festival.

La basa d'internet per la musica svizra

Per che «Label Suisse» vivia er suenter il festival creschan Virus e tut ils terzs programs da radio da la SRG SSR ina basa da multimedia: www.mx3.ch.

42 miu. francs per dretgs d'utilisaziun

La SRG SSR è l'utilisadra la pli impurtanta d'ovras artisticas en Svizra. 2005 ha ella pajà 42 miu. francs a las societads d'utilisaziun svizas: a la SUIISA per ovras musicalas, a ProLitteris per litteratura e art figurativa, a la Société Suisse des auteurs (SSA) per ovras audiovisualas e dramaticas, a Swissimage per films, films da televisiun e scenaris ed a la Swissperform per dretgs da protecziun sumegliants. Da quellas contribuziuns profitan artistas ed artists svizzers da tut las spartas.

| | 2000 | 2001 | 2002 | 2003 | 2004 | 2005 |
|----------------------------------|-------------|-------------|-------------|-------------|-------------|-------------|
| Suisa | 26 | 26 | 26 | 26 | 26 | 26 |
| Pro Litteris | 2.1 | 2.3 | 2.3 | 2.3 | 2.3 | 2.1 |
| Société suisse des auteurs (SSA) | 5.2 | 5 | 5 | 5.4 | 5.3 | 6.1 |
| Swissimage | 0 | 0 | 0.4 | 0.3 | 0.5 | 0.8 |
| Swissperform | 4 | 4 | 4 | 8.1 | 6.3 | 6.7 |
| Total | 37.3 | 37.3 | 37.6 | 42.1 | 40.4 | 41.7 |

Contribuziuns da la SRG SSR a societads d'utilisaziun en miu. fr.

Ils interessents da musica chattan là infurmaziuns en furma da text, maletg e tun davart las interpretas ed ils interprets ch'ins auda tar DRS 3, Couleur 3, Rete Tre, Radio Rumantsch e Virus. Er las ulteriuras bands svizras sa pon registrar sin www.mx3.ch e laschar là lur preschentaziuns. Cun quai che las redacturas ed ils redacturs da musica administreschan directamain quella basa han tracks adattads per il radio sin quel chanal vistas da chattar la via en il program da radio.

Sco ulteriur servetsch porscha mx3 MP3-Streams dals titels ch'èn a disposiziun. Ins po tadlar els cun glistas individualas e postar els en in proxim pass er online. Als 28 d'avust 2006 entschava la fasa d'emprova da sis emnas.

Film (inter)naziunal sur dad Henry Dunant

Entaifer il Pacte de l'audiovisuel è naschè tranter auter il film «Henry Dunant – Rot auf dem Kreuz». I sa tracta d'in film da televisiun che mussa la vita dad Henry Dunant e la fundaziun da la crusch cotschna. Il film fatg

Il film da televisiun «Henry Dunant – Rot auf dem Kreuz» tracta da la vita aventurusa dal fundatur da la crusch cotschna svizra. El è vegnì lantschà da TSR e realisà grazia a la perseveranza da Philippe Berthod, il manader da ficziun da TSR. La conferenza interregionala dals directurs da program da la SRG SSR idée suisse ha sustegnì il project davent da l'entschatta. TSR ha realisà il film ensemen cun SF e TSI e cun staziuns da televisiun da l'exteriur. Registrà è el vegnì 2005 a Geneva ed en Algeria, Austria e Frantscha. Per il scenari e la reschia è stà responsabel il reschissur svizzer Dominique Othenin-Girard. Grazia al Pacte de l'audiovisuel ed al sustegn da pliras instituziuns svizras ha pudì surpigliar la Svizra 38 perschiens dals custs da quel film custai-vel.

Ina coproducziun internaziunala

Il film da costumes dad 8,5 milliuns francs na vess betg pudì vegnir realisà senza la collavuraziun dad auters emetturs da televisiun: Bohemian Films (Svizra), Arte (Europa), Pale Blue

2005 è vegnì inizià da la Télévision Suisse Romande (TSR) e realisà en collavuraziun cun TSR, la televisiun svizra (SF), Televisione Svizzera di lingua italiana (TSI) e cun staziuns da televisiun da l'exteriur.

Productions (Austria), Entreprise Nationale de Télévision Algérienne (Algeria) e Dune cun participaziun da France 2 (Frantscha). En pli avevan cumprà 22 interpresas da film la producziun

Il film sco DVD

Il film «Henry Dunant - Rot auf dem Kreuz» (tudestg/franzos/talian) pon ins retrair tar la crusch cotschna svizra (SRK) en furma da DVD.

El custa fr. 38.- (plus spediziun). Dal pretsch da vendita van fr. 10.- directamain a la crusch cotschna.

www.redcross.ch
(Quick links)



gia ordavant. L'uniun da radiofonia europea (EBU) aveva coordinà la vendita. Al Festival International du Film sur les Droits Humains a Genevra (FIFDH) il mars 2006 è stada la premiera mundiala da «Henry Dunant – Rot auf dem Kreuz». TSR 1 ed SF 1 han mussà el pauc suenter durant il meglier temp d'emissiun. Sin TSI vegn ins a vesair il film d'atun. Entant han ins mussà il film sur dal Svizzer renumà er en Frantscha, Italia, Belgia, Spagna e Grecia. Infurmaziuns detagliadas davart il film datti sin www.dunant-le-film.ch.

Il forum da discussiun

«Infrarouge»

Suenter l'emissiun dal film cuntinua TSR cun la discussiun en l'internet: A tge serva la crusch cotschna oz? È l'agid umanitar en ina crisa? Tge èi culs conflicts ch'èn vegnids emblidads, cun quai che la televisiun n'emetta pli maletgs schoccants? Il forum da discussiun «Infrarouge» envida a discutir: www.tsr.ch (emissions: Henry Dunant – Infrarouge).

Da la cultura da radio al radio cultural

La relaziun da la SRG SSR idée suisse cun la cultura è sa midada fitg en il decurs da sia istorgia da 75 onns. Quai sa mussa surtut tar il radio. Qua pon ins differenziar quatter fasas: 1. culminaziun da la cultura da radio, 2. crisa d'orientaziun, 3. radio cultural sco pro-

Il radio ha sviluppà dapi sia fundaziun ils onns 1920 fin als onns 1960 ina cultura da radio che l'ha dà ina identitad independenta sco med da massa. Ins ha surpiglià furmas culturalas d'expressiun e da reproducziun existentas sco la lectura da scriptur, la preschentaziun d'in teater u concert, il referat scientific u il rapport schurnalistic e sviluppà ellas vinavant a furmas d'emetter radiofonicas independentas sco il gieu auditiv, il concert da grammofon u

duct da nischa, 4. renaschientscha da la cultura da radio. Il scenzià da medias Edzard Schade da l'institut per la perscrutaziun da publicistica e medias a l'universitad da Turitg resumescha il svilup.

il magazin da radio. Quai era la culminaziun dal radio sco med envidabel.

UUC sco nov chanal per la cultura da radio


Ils SRG SSR leva fundar gia ils onns 1930 ina segunda chadaina da programs, ha dentant pudì realisar ses project pir 1956 suenter l'introducziun dad UUC sco tecnologia da derasaziun moderna e flexibla. Fin 1967 aveva la SSR il concept da producir en mintga regiun linguistica in radio sin dus channels. La culminaziun da la cultura da radio è ida a fin ils onns 1960, cur ch'il radio – chatschà da la televisiun – ha cumenzà a sa posiziunar nov sco med da massa accumpagnant.

Il process intenziunà da posiziunar nov ha cumenzà en Svizra, cur che la SSR ha profilà 1968 per l'emprima giada cleramain la musica sin sias duas chadainas da programs. Ils emprims programs s'han spezialisads sin musica da divertiment, ils segunds sin classica e jazz. Pliras emissiuns per gruppas spezialas e minoritads èn vegnidas spustadas dals emprims programs

50 onns UUC – 50 onns segunds programs

DRS 2, Espace 2 e Rete Due ston engraziar lur existenza a l'onda ultracurta (UUC): 1956 èn vegnids emess ils «segunds programs», sco ch'els vegnivan numnads a l'entschatta, en quella nova moda da transmissiun. UUC ha pussibilità ina qualitat da recepciun considerablain megliera che l'onda media, quai che geva surtut a favur da las transmissiuns da musica classica. DRS 2 festivescha sia existenza da 50 onns cun transmitter numerus concerts. Davart il program da giubileum datti infurmaziuns tar www.drs2.ch (50 onns DRS 2). Da l'istorgia dals radios da la SRG SSR infurmescha www.ideesuisse.ch (archivs e cronicas da la SRG SSR).

Cumposiziun dal cuntegn da DRS 2, Espace 2 e Rete Due



concepids sco offerta per la maiorità al segund chanal. Il concept dal med envidabel è vegnì mantegnì per gronda part dals segunds programs: els han tgirà ina cultura da radio multifara cun furmas da preschentaziun fitg differentas.

Caracterisà e posiziunà explicitamain sco «radio da cultura» han ins ils segunds programs pir sunter 1983, cur ch'ils terz programs èn vegnids introducids sco emetturs per giuvens e pop formatads fermamain. Per ils segunds programs han ins dovrà da là davent ina noziun da cultura plitost stretga en il senn da «cultura elitara». Pli e pli han ins mess l'accent sin l'intermediaziun da cultura, entant che la rolla dal radio sco organisatur e producent da

cultura è tschessada. Il radio da cultura ristgava da perder sia identitad da lieu da la cultura da radio. En quel temp è vegnida crititgada la SRG SSR adina puspè pervi da sia incumbensa culturala.

La renaschientscha da la cultura da radio

Dapi la midada dal millenni èn sa meglieradas las cundiziuns generalas per ina cultura da radio innovativa e prosperaivla. Durant decennis han ins duvrà indrizs da studio chars per producir emissiuns complexas sco gieus auditivs, features u collaschas da musica. Grazia a la digitalisaziun èn tschessads ils impediments technics e finanzials per producir documents auditivs considerablain. Dapi ils onns

Ils segunds programs: 20 pertschient èn emissiuns da cultura

2005 èn vegnids emess tar DRS 2, Espace 2 e Rete Due en media 70 pertschient musica. 20 pertschient da l'offerta da program ha consistì d'emissiuns da cultura: discussiuns, rapports e reportaschas davart art, musica, litteratura, religiun e.u.v., dentant er gieus auditivs ed emissiuns fatgas per in public da sparta. 7 pertschient èn stads emissiuns d'infurmaziun approfondida ed infurmaziuns da servetsch sco p.ex. previsiuns da l'aura. Emissiuns da divertiment ed accompagnament han fatg ora 3 pertschient dals segunds programs, emissiuns da sport damain d'in pertschient.

1990 è sa furmada ina nova scena per «cultura auditiva» che vegn integrada pli e pli er en ils chanals da cultura etablids dals organisaturs da servetsch public. Dapi ils davos onns 1970 vala tar la SSR pli e pli la filosofia da «l'udibilitad generala» dals programs. La midada da la perscrutaziun dal public da radio al sistem da radiocontrol l'onn 2000 ha dentant dà novas invistas en il cumportament dal public. I s'ha mussà ch'il radio vegn utilisà tuttavia cun finamira tar offertas pretensiusas: el ha pia er sco med envidabel che vegn consumà cun clera intenziun in public considerabel, betg be sco med accompagnant tatlà speravi.

In film sur da Yehudi Menuhin

A chaschun dal giubileum da 50 onns festival da Menuhin dals 21 da fanadur als 2 da settember 2006 ha laschè producir la SRG SSR idée suisse in film documentar davart il fundatur dal festival Yehudi Menuhin. Il film «Yehudi Menuhin – Die Schweizer Jahre» retegna il temp da l'entschatta dal festival e mussa cun agid da registraziuns or da l'archiv il svilup d'ina simpla seria da concerts al festival internaziunal. Al medem mument è naschè il purtret subtil d'ina da las personalitads musicalas las pli grondas dal tschientiner passà.

Il film vegn emess da tut ils programs da televisiun da la SRG SSR. Sin SF 1 als 20 d'avust 2006 a las 23.00 uras en l'emissiun «Klanghotel».